



BOSNA I HERCEGOVINA

БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0028015 26
Sarajevo, 19.01.2026.godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

ISMAR RAHMANOVIĆ, rođen 1997.godine, u Bihaću, državljanin BiH.

Što je:

Dana 07.01.2025.godine u ranim jutarnjim satima oko 07,00 sati na području mjesta Klisa, Kulen Vakuf, općina Bihać, sigurnosni sektor A4, nakon prethodnog dogovora sa njemu poznatim osobama, radi sticanja protupravne imovinske koristi, u namjeri nedozvoljenog prevođenja stranih državljana preko državne granice BiH u Republiku Hrvatsku, prethodno krajem mjeseca decembra 2024.godine dogovorio i izvršio kupovinu motornog vozila BMW, tip X5, sive boje, VIN broja ..., gdje je nakon što je preuzeo vozilo na isto zajedno sa njemu poznatim licima postavio nepripadajuće registarske oznake ..., a u namjeri da vozilo BMW koristi za krijumčarenje ljudi, da bi dana 07.01.2025.godine u ranim jutarnjim satima oko 02,00 sati, zajedno sa njemu poznatim licima preuzeo više migranata, državljana Sirije i Irana na području Bihaća, njih ukupno 13, s ciljem da ih prevezu do njima poznate lokacije u blizini državne granice, izbjegavajući granične kontole i da ih na taj način nedozvoljeno prevedu preko državne granice u Republiku Hrvatsku, postupajući protivno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog i organizovanog kriminala („Sl. glasnik BiH“, broj: 37/02) i članu 7. stav 2.

Zakona o graničnoj kontroli („Sl.glasnik BiH“, broj: 53/09, 54/10 i 47/14), tako što je njemu poznata osoba upravljala BMW vozilom u kojem se nalazio dio preuzetih migranata, dok je Ismar Rahmanović sa drugim vozilom preuzeo drugi dio migranata i vozio se ispred BMW vozila, a nakon što su došli do njima poznate lokacije, Ismar Rahmanović je prebacio migrante iz svog vozila u vozilo BMW, nakon čega je Ismar Rahmanović nastavio kretanje sa drugim vozilom i imao ulogu izvidnice, osmatrajući da li ima policijskih kontrola, dok se vozilo BMW sa migrantima njih ukupno 13 kretalo iza vozila Ismara Rahmanovića, da bi se tako dovezli u neposrednu blizinu državne granice BiH i Republike Hrvatske, na šumski makadamski put u mjesto Klise, Kulen Vakuf, općina Bihać, sigurnosni sektor A4, nakon čega su uočili Graničnu policiju BiH koja je kontrolisala sigurnosno područje A4, a potom je vozač BMW napustio vozilo i migrante, te se zajedno sa Ismar Rahmanovićem udaljio sa lica mjesta, dok su migranti u BMW ostali u vozilu, gdje su zatečeni od strane Granične policije BiH i to njih ukupno 13 državljani Sirije i Irana.

Dakle, s ciljem sticanja protivpravne imovinske koristi, zajedno sa njemu poznatim osobama učestvovao u pokušaju nedozvoljenog prevođenja preko državne granice više lica stranih državljana.

Čime je počinio krivično djelo Krijumčarenje ljudi iz člana 189. stav 1. KZ BiH i sve u vezi sa članom 26. i 29. istog Zakona.

2

T U Ž I L A C
TUŽILAŠTVA/TUŽITELJSTVA BiH